

詩三百

金
蜜
公

著

詠
乎
船

學

PDG



舊體新裁各
有宜嚮持此
論乃今疑新
題境界誠無
隔未必難為
舊體詩
展誦斯編三

百絕從知存
想略相同新
題累累如珠
貫妙緒翩翩
入意中

奉題

蜜公先生詩卷

一九五六年九月

葉聖陶



詩 三

百 一九五三——一九五六

贖取騷心未算迟，卅年生活竟无知。
邇來始覺人間大，一卷容刊解放詩。

（拙作「五月集」出版）

老人高兴比春濃，写到勞工愛处工。
还我西湖真面目，遙瞻詩闕五云紅。

（黃炎培先生寄示「人民西湖詩」，奉和兩首。）

猶憶臨軒試越茶，苞桑大集久籠紗。
重看史論縱橫出，筆力千鈞老放花。

挾雨琴絲作水妍，今年欢乐胜常年。
民間艺事关民脈，小曲先教万口傳。

（中南区民間音乐舞蹈会演。）

雄图今日更誰如，万鉄蟠空富积儲。
說与乡人应失喜，明天輪渡是多余！

（長江大桥有开工訊。）

擔石挑泥亦壯哉，旧時山色瘁顏開。
大東門外車聲里，无尽青年大學來。
（武珞路修成。）

每聞對白勝清歌，相約星期一再過。
分我曙光知不吝，江關等是莫斯科！
（中南文工團上演「曙光照耀着莫斯科」）

竟紆輪輶向京華，一往渾忘馬齒加。
却愛黃翁沉痛語——「老來纔識太平花！」（黃炎培先生寄示「北柳」八絕句，感賦。）

八十年来志不移，畫開一代擅雄奇。
人民山水留眞面，賴有先生作導師。
（祝黃賓虹先生九十壽。）

爲有詩材付此中，軍郵次第喜開筒。
書生能作英雄語，萬里思潮在立功！
（七弟明启朝鮮書至。）

海洋當面凭防衛，事理千年曲解多。
誰說弟兄情落后，感恩第一太陽歌。
（中南民族歌舞團演出，有「毛澤東紅太陽」大合唱。）

算来七級到今宵，风力頻增大漠遙。
催起故城詩意思，江头五月尙寒潮。

（寒潮消息。）

學从辯証知纔富，書倘逢辰紙不愁。
凭此探源星宿海，莫將全力付支流！

（黃翁明孝獻出所藏古代數學書籍六十部。）

風逆鸞聲五月天，西南凝望倚詞箋。
落將云粉千重頂，万古峨嵋轉少年。

（峨嵋古迹進行整修，山頂積雪已化。）

精進當時几學人，借他文字數前因。
同盟至竟存高誼，譯本流傳已六春！

（華羅庚「堆疊素數論」將出版。）

繁星大漠彙光芒，彷彿駝鈴送鳳凰。
惠我聲情天際遠，輸君一夕傾詞場。

（蒙古朝格吉勒瑪之歌。）

前踪觸撥此時音，佳想何辭到夜深。
百管千絃都俯首，功勛特出馬頭琴。

（蒙古功勛演員吉木彥奏馬頭琴。）

飞出东欧又一时，和平鵠慰远相知。
傳薪多有华沙客，直向肖邦拜本师。

（波蘭瑪佐夫舍歌舞团公演。）

灭蝗抗旱各相期，消息都来百念移。
重染家山青未了，雨声繁到爱人时。

（五月十九日至二十一日，全国普遍降雨。）

热爱生涯不說窮，江头作客卅年中。
九原此去无遺憾，壯岁孤兒老教工。

（悼董母。）

会开广济求行动，敌我还須綫划清。
报国齐参无上法，带头終始屬圓瑛。

（中国佛教会在北京广济寺成立，推圆瑛为会长。）

詩人遺烈在寰区，文字迁移岁月徂。
突兀千秋神不死，老蓮今日有高徒！

（蔣兆和仿陈洪綬画屈原象。）

一編夫妇久齐名，文献功成壯此生。
鼓舞万千心意决，换来乐府唱和平。

（日本赤松俊子与其夫丸木位里合作「原子彈之画」。）

死亡生命不相容，警夢如聞万里鐘。

三部曲中持运会，凭探思想最高峯。

（捷克瑪麗亞·普伊曼洛娃六十寿。「站在十字街的鬥的人們」，「火的游戏」，「生命与死亡的搏鬥」，其名著也。）

此中我欲丐膏馥，瞻对冠裳茹古悲。

宋代画风能繼起，珂罗重为肖鬚眉。

（題「楚辞图」。）

神話方言写却工，民間发展更誰同？

凌霜气色开天地，想尽陈蕭画幅中。

（「屈原紀念冊」編竣書此。陈蕭：陈老蓮、蕭尺木。）

「人生七十如赤子」，时序迁流志不磨。

緯地經天看小品，未知老至一高歌！

（讀謝覺哉先生近著小品，感賦兩首。「人生七十如赤子」，万里長征才开始」，魏泽同贈先生句也。）

「万里長征才开始」，眼前成就一毫輕。

后生今日能无愧？对此文章聲聲情！

嗜好人間幸不孤，檀香時與竹風俱；
炎天佳話誰能記，合寫中華訪扇圖。
（蘇聯征求檀扇。）

服務工农道路新，墨云擁護萬家春。
多時遺憾今須補，集畫應增選畫人。
（画展消息。）

余事心傾吳岳老，千年文字刻嶽崎。
忽然走向沉疴里，妙手何人是藥師。
（聞了厂病重。）

別來踪迹倍情親，止渴無妨飲十巡。
我輩能忙猶有暇，招邀畫筆斗清新。
（喜画友至。）

一篇電訊飛江漢，百丈欢声激腦瀾。
贏得和平供史實，曙光東上海漫漫。
（朝鮮停戰協定簽字。）

好語郵傳喜欲顛，算來曲苑有新編。
今宵花叢看如錦，月色迎人正滿圓。
（賀朱三新婚。）

宋元法度写生才，俊逸矜严面各开。
絕妙松枝橫又直，要从腕底乞風來！
（邀少峯、采瑾、特生集寓齋作画。五首。）

少峯年少忽稱翁，画派雲林有獨工。
走筆山光青轉綠，当头忘却火云紅。

煉成詩料釀成秋，尺幅中边一扫愁。
知是有心迎七夕，故將花朵画牽牛。

虛心难得竹相同，阿特能揚現實風。
为答故人情誼重，更添石白与梅紅。

糟粕精華眼要高，繼承遺產戒皮毛。
汉江画学銷沉久，莫棄羊毫宝紫毫！

学海还从古証今，卹鈔書画蔚成林。
时人只作閑情說，珍惜誰知爱国心。
（贈銘山。）

突过西泠八子名，艰难艺事耿忠诚。
旧游怕憶太平館，集句偏多老杜情。
(悼了厂。了厂寓太平會館，擅長集句。)

仗义何人是画雄？粉翎殉国血犹红。
多情唯有毕加索，不忘巴黎米什翁。
(題画鴿二首。)

朝阳吐燄恣嬉春，千万飞翔意倍亲。
持久和平和幸福，要他帶給善良人！

不教文物慨湮沉，玉筋摩挲片碣寻。
料有哀詞同此日，低回未了了靈心。
(贈唐醉石二首，時了厂新逝。)

雋气棱棱与俗殊，别开印譜等琬瑜。
近来詩少湛冥意，抵得先生鉄笔无？

人民风貌淺深开，驅掣河山聚異才。
走上明天新道路，百花齐放北京来。
(全國國画展覽。)

招邀战友进新醅，碰手相呼胜利杯。
信是光荣偿夙愿，深秋万里遣俘回。

（七弟明启遣俘事毕，自朝归国。）

渊源家学自馨香，老树阴浓意独强。

忽漫乘风何处去？高原大地失堂皇！

（悼徐悲鸿先生八首。悲鸿幼年师事尊甫达章先生，喜画高原老树。）

披艰扫穢逞神奇，南北推尊一代师。

立论高如碑屹立，精微广大要同时。

（对客观事物观察，悲鸿主张「画精微」，而艺术表现则主张「致广大」。）

流风渐被及文人，现实高名爱列宾。

总为后来开道路，病中讲学话酸辛。

（悲鸿为介绍俄罗斯现实主义画家列宾作品来我国之第一人。初患脑溢血时，仍为学院诸生讲课。）

谨严风格震时流，不自由中见自由。

更有文章肩道义，几人同此炳千秋！

（悲鸿尝为文讚頌老区革命青年画家。）

爱憎入眼最分明，不忘贫寒避俗情。

足为中华争浩气，奔腾万马写如生。

（悲鸿曾签名拥护联合政府运动，招致CC醜类仇视。）

古今手眼孰高低？画里沉吟自品題。

卅載珍藏今国宝，新聞傳徧海東西。

平凡物态寓深，代筆人民訴不平。

難得万方多事日，和平画队率精兵。

彩毫飞落海西云，国际坛开树一軍。

說法書林能意造，梅花念我我思君。

搜求墨妙历艰勤，一点春心自不羣。

驕向孤山林处士，愛他尺幅气凌云。

千万梅花一結晶，荣枯照眼太分明。

百家盼到新中国，好与人民証夙盟。

五老尊严出众山，一朝飞雪美尘寰。

瓊枝徧挺琉璃砌，賺我詩情有往还。

人我交流字有声，宏傳譯事費經營。

苏联文学高天下，不負时光好計程。

（悲鴻患病之初，囑其夫人廖靜文將所藏中外美术作品捐献国家。）

（一九五〇年，悲鴻为余書「梅花念我之居」額。）

（陈叔通先生献出百家画梅。二首。）

（七弟廬山書至，語及雪訊。）

（喜七弟鑽研俄文。）

道是狂时恰不狂，一团墨气破天荒。
画师身后驕人处，遺采犹增日月光。
(悲鴻遺画有出版訊。)

創造時間挽逝波，重工业正倡先河。
翻新思想尋常事，想到艰难乐轉多！
(学习总路綫四首。)

苏联十月有傳灯，过渡安排喜亦能。
珍重五年勤建設，一天生活一高昇。

反映思潮字未安，坚持心力不辞难。
列、斯副墨分明在，留与中华作样看。

美景前途不算遙，及时資料印如潮。
初刊接二連三版，免我裁箋十日抄。

不断書声味最亲，校園雪后淨无尘。
年来何事酬余意，几輩門生尙可人！
(寒假二首。)

学习从头一蹶然，假期莫作缺勤天。
常从文字分余乐，始信吾生尚少年。

合頌光明出万家，河山风貌映朝霞。
今宵工地都欢喜，喜听光荣唱作花。

（癸巳除夕四首。）

楹联标语共时新，编入期刊正及辰。
如此风光看更美，好春付与爱劳人。

心地明明口不如，有人时事感生疏。
过程尽有新思考，第一应温马列书。

钢如流水铁如山，迎接明天曙色间。
知是东风消息到，大街景物换春颜。

连朝天色酿春和，江水溶溶绿始波。
莫道时期难过渡，时期过渡四年多。

（春节有作。十二首。）

劝进白开水一卮，漫將節約与人知。
难閑初一忙初二，未到初三却有詩。

期刊日报不离身，促膝何須問主宾。
任是一冬无进步，先生怀抱入新春。

盛年文字各风雷，击鼓詞場起美才。
却感諸生情意摯，每逢塞假賀春来。

但有真情写便灵，一林桃李发初青。
嶄新事物知多少，說与先生細細听。

百花齐放願非奢，文艺民間徧茁芽。
不与春阳借顏色，笔端爭得見光华？

奏刀多是寿山材，我亦当年醉石来。
一夕春风吹不淺，紅梅都在旧瓶开。

縱橫年画斗新妍，色彩平塗分外圓。
欲与前賢爭筆勢，炭条練得綫条堅。

照水旌旗憶故城，鉄桥工地最关情。
何当邀得提琴手，来写联欢四面声。

女兒辛苦采蓮船，宣慰工人大道邊。
六渡桥連江汉路，霓灯紅过五年前。

自豪感处气凌霄，合力揚輪趁早潮。
历史寻思千万載，断然无例比今朝！

迎春风味胜从前，草草杯盤几味鮮。
着意用情如此日，从知幸福在明天。

古欢同是在天涯，切淺鑿深各一家。
轉眼泥枯紅尙活，相憐粉紙媚于花。

（自題印稿二首。）

无多印稿贈亲知，飄落蒐从海上迟；
魄力俛輸吳缶老，凭他回我少年时。

水碧山紅炫目迷，移情各有短長題。

嶺南画派今翹指，江汉同行要看齐！
（江汉俱乐部国画展覽。）

墨彩飞揚且恣觀，旧时桃李解春寒。
家庭建立新关系，直幅橫生一片欢。
（「婆媳上冬学」，湯文选弟佳作也。）

春人触緒見光明，新軌商量改旧程。
毕竟文章关国計，一篇激动万家情。
（毛主席代表中共提出宪法草案初稿。）

四海精誠接可知，姓名剧耐十回思。
相逢可許称兄弟，脫手光华复旦辞。
（陈叔通、陈伯达均宪法起草委員。）

过江活动展文娱，一样名称各样呼。
风景老区新闢就，西湖荣誉落东湖。
（东湖二首。）